



925001-

- 925102

Med. St. Dr.

III



CONSIDERATIONES

Circa Electionem futuri Regnantis.

Congraudeo tecum, Charissima Patria, de eo, quòd habeas Domi tuæ non solum decora ingenia, sed etiam ab extra numeras Coronæ Tuæ alti sanguinis Competitores. Olim erat, vacante Sceptro, Concivibus Tuis præfigere stadium; qui pernicipitati equorum confisi, illud decurrerent, braviumque Coronæ acciperent. Sed cum in stadio illo dolum & astumprehendisti, per infixos ferreos clavos, qui ceteros læserant equos, uni soli inoffenso tramite relicto, amplius barbarum sequi noluisti morem, quem à Persis quondam mutuasti, seu in cursu, seu in hinnitu equorum, seu in ortu Solis, Principis reponendo Electionem. Ergo te ad prudentiam humanam, quæ imitatur providentiam Divinam, convertisti pluribus jam a sæculis; hanc quamdiu coles, astus & dolos vitabis, & serum evitabis poenitere. Unde Magnos Principes, si qui Tuam ambiunt Coronam, humanissime recipe & audi, & maturo judicio expende. Generis claritudinem, si cætera non adsint, cave: vel si adsint, & tibi non quadrant, dimitte: claritudo tua tibi sufficiat. Olim Premysliæ ortos Aurifices, ad Sceptrum assumpsisti, nec te poenuit industriz ejus. Postea Crusvicia dedit Piasum, alias Rotarium: ejus te pietas & liberalitas traxit. Quatuor sæculis hæc Domus imperavit gloriose: sacram induxit Religionem, Majestatem Regni, & Senatum legibus fulcivit. Assumpsisti Bathorem, Virum origine Nobilem, virtute Transylvaniæ Principem, tandem & Poloniæ Regem gloriosum. Assumpsisti nuper e medio tui intra æqualitatem natum, benedixit ei Dominus; sub auspiciis ejus ibant Augustarum Familiarum Principes, Imperatorum progenies, pugnarunt gloriose, & triumpharunt de hoste Christianitatis: Polonia verò viginti per annos Nominis ejus Avito sub Umbone vixit. Ergo magnos in Principe noli quærere Natales; quemcunque in Regem elegeris, uno minorem Christi Vicario in Throno locabis.

Proinde his vacua curis, Virum quære, quem olim Romanus destinabat Senatus, scilicet: ut non timeat bella, nec provocet; qui si enituit in bello, non obsoleat in pace; quem si Toga honestat, simul & Sagum. Nam si fuerit tantum militari gloriâ passus, enutritus, bellum ex bello feret, avertabitur pacem ut pestem; erunt manus ejus contra omnes vicinos, & vicini ejus contra eum solum. Sic Respublica succumbet, nec gustabit pacem, quæ una triumphis innumeris potior. Unde sit cum venia dictum, Magni olim Bellatoris Principis Condei, & serenissimi ejus Nepotis de Conti, quòd hic Sanguis Regius nunquam potuit, aut voluit esse Togatus. Quòd non potuit, ratio summa: quia Togata Nobilitas in Gallia est classis secundæ: Nobilitas Sagata, cujus Caput Monarcha est, prima est, inferiorem despicit, cujus Caput Cancellarium Regni autumat. Hanc Tribunalia Regni regere, justitiæ præsidere, tractatus pacis, jura Regni, proventus Regios gubernare, militarem gloriam solum præ oculis habere: Sagatam Nobilitatem bello invictam, armis indomitam, morti impavidam, periculis gaudentem, in arma ruentem, Collegia literaturæ vix primis labris attingentem: Académias vocat & petit, ubi equestria exercitia tenet, artem pugillarem, & Mathematicam militarem possidet.

Talis olim & nostra Nobilitas fuit, donec successu temporis mansvesceret, id poscētibus vicinis, hætenus quietem non habentibus; svadente quiete justitiam, in tantum, ut non minus armatam, quàm togatam habeamus Nobilitatem. Talem requirimus Regem,

A

utraq;

925016

III

utraque Cæsarem. Unde Serenissimi Condei, & Sangvinis ejus, magna apud nos æst-
imatio; sed ad Electionem perplexitas summa: cum ad Dunkierkam illa de eo fuerit fa-
ma, quod in expugnatione ardua operum semilunarium, lunas dentibus apprehendisset,
& detraxisse diceretur: Przyemscio nostro legionem Polonam ducente, ibidemque ma-
gna ex parte occumbente. Alterum, quod ad Zenesam mille quingentos militum Præ-
fectos [expugnato quidem hoste] amiserit, dolente ipsam Galliã, & fatente celsum san-
guinem ad prælia natum, indomitum, præcitem in mortes animum, quod Gallicana,
imò & Romana pandit Historia. Eo tandem experientiæ venisse, ut ipse Monarcha
Gallorum subalternum in bellis hunc Principem esse voluerit, metuens, ne exercitus ejus
in mille discrimina daretur, & securitas Regni. Habuimus hic triginta ante annos Prin-
cipes Gallorum Gramontios, hi Regem Casimirum in Moschoviam secuti id solum ege-
rant, ut præcites sine lorica, contra Cosacos intra valla abditos, certo ictu sternentes
invasores, ruerent, ad eamque æmulationem Familiarum Principes accenderent: quo
visu Rex juvenilem inhibuit temeritatem, imposito mandato, ne aperto pectore, strictis
gladiolis, crederent se munitiones aggredi & expugnare posse; ut prius illi Principes, ge-
nus pugnandi in Polonia, longè à Gallico diversum, discerent; demùm si vellent, pu-
gnarent. Multa igitur in Electione Principis de Conti cavenda, maximè verò, cum &
Gallia eo solo Principem Turennum, magis sibi acceptabilem reddidit, quod ille hoc pri-
mo in bellis moderato sanguine & fervore suo, id ipsum curavit, ut mallet unum servare
Civem, quàm mille hostes perdere. Qui Princeps, si à Polonis ultro per Electionem à
Gallia peteretur, nunquam dimisisset Gallia tantum Heroem sibi salutiferum. Adde,
quod in Polonia lege vetante, non Rex, sed belli Duces regunt militem stipendiarium.
Nobilitatem solus Rex contra hostes ducit, eumque sequitur, quem elegit in Patrem sui
amantem, id unicè curantem, ut servetur in illo Respublica, & sanguinis dispendia vi-
tentur. Quæ non oblitterata tenet memoria sub Joanne Alberto, brevis Imperij Rege,
qui multum Nobilitatis Polonæ florem amisit in Valachia, solius gloriæ avidus, invisus
tandem obiit. Adde insuper, quod nimium martiales animi sint impatientes longioris
in Throno sessionis, ut visum est in Henrico Valesio Electo nostro, cujus martialem
gloriam, expugnationes urbium, audiverunt majores nostri à Legatis, receperunt om-
ni cultu in Poloniam, devotione summâ, spe maximâ. Cumq; casu primo ipsi obve-
nit Judicium Regium, sedit pro Tribunali integrâ circiter horâ, tandem sessionis impa-
tiens, dixit ad Assessores Senatorij ordinis: Per Deum Domini Poloni, putabam me
Regem Vestrum Electum, & ecce video me fieri Juristam. Quod mali jam tum ominis
erat, de fixando in Regno Mercurio, qui ductilitatem auream non recipit. Ideoq; à to-
to Senatu rogatus per conscientiam recentis juramenti: ut mox ventura expectaret Co-
mitia, quæ non durabant olim nisi per quadriduum, vel ad summum per sex dies; non
sustinuit moram, quæ gravis putabatur. Quæ ad moderna tempora est consequentia?
ubi Comitia in longissimum extrahuntur tempus, fastidiosa Regis sessione; quid judicia?
discepciones longæ? quanto hic & quàm ductili in Principe egemus auro?

Legem habemus indubitata, quâ apud Nos, non nascuntur, sed eliguntur Reges;
ita tamen, ut omninò non excludamus Regiam Progeniem: adeò, ut ex antea actis habe-
ant Principes, quid in futurum sperent: si rectè regant, si suaviter imperent, si dulcem
sui memoriam relinquunt per rectè facta, quæ Regiæ Proli Paternâ ad sceptrum pandat vi-
am; intantum, ut quicumq; nostrum bona Regalia jure advitalitio possidet, privilegio
Regis, illam possessionem [ut arbitramur] cum vitâ finiendam: Ita majori curâ & solli-
citudine, hæreditarias sortes conservamus pro filiis, & seris nepotibus. Simili modo de
regnante Principe supponimus, quod is, si certo certius sciret Prolem suam Paternorum
meritorum recordatione, ad Regnum non promovendam, nunquam tam sollicitus de
conservatione hujus Patriæ viveret, Regiæ proli suæ, extra Patriam provisorus. Unde
quæ in Repub. emergerent pericula? quæ populorum sine Paternâ in Rege curâ miseriâ?
Pridem libertas Germaniæ, hanc quam Poloni metuunt, experta est sortem: quamdiu
ferentariam, per familias Principum, Imperialem Coronam habebant; quot divisiones,
exterorum factiones, diffidentiarum atroces experti vices; quas aversati, Habsburgen-
sem Comitem, ubi elegerunt, & intaminatam pactorum fidem in eo repererunt, tam
Catholici, quàm Hæretici Principes adhæserunt, ut & avitam libertatem eligendi Impe-
ratoris sui servent, & successionem Augustæ Domûs, non interruptè currere sinant; can-
tus

rus Gallicos, universam Germaniam excitantes, temnant; ad conservationem libertatis, si in eadem domo diu permanserit, non moventur his cantibus Germani, quia Augustæ Domus bene perspectam habent pietatem, fidem germanam norunt, Procos ex Gallia admittunt, ubi Germanas aliquando elocant, sed Gallorum nuptias non procantur, Anglicanas, Hispanicas, Portugallas, Pedemontanas, imò & Polonas legentes Historias, quanti constiterint Gallicæ nuptiæ. Sed hæc intra Parenthesim. Lumine naturæ jus æquitatis servatum semper est in Polonia, salvâ gentis libertate, observatum in vicina Germania: ubi & gratitudo erga bene regnantes, & libertas electionis compatibilia sunt. Observatum in Rege Sigismundo III. qui Paternò ex Regno exul unâ cum amicis, una cum sorore, non solum advitale in Polonia habuit Regnum, sed in filiis quoq; regnavit in amicis Polonam hospitalitatem Indigenatu, & connubijs Polonorum, & Lithvanorum insertis, ad maxima quæq; in Regno admissis. Quid ad præsens dicam de Serenissima Joannis III. Prole? nonne recenti memoriâ fovet ingentia tanti Regis merita, gloriæ suæ augem? ut in nupera vidimus, & probavimus Convocatione. Crediderat aliquis, facile Regiam Prolem redituram, ad pristinam Parentis sui æqualitatem, in qua & natus erat: huic propositioni restitit penè universalis sensus; Regiam prolem ut antea Regali in statu conservandam ex validis rationibus: nimirum hoc exemplo, nullus amplius Regum, merita sua post mortem valitura speraret, si non valerent Joannis III. Nullum ab extra assumptum, pacificè in Polonia regnaturum: tot habiturus obstacula, quot Principes conditionis Regalis memores. Totus Senatus, à Patre eorum creatus, ipsdem compateretur: tota Nobilitas beneficijs in publico & privato obligata, dulci memoria Patris, & filiorum pasta, extero Regi incognita, Sangvine, sermone, climate, humore, more, & re, defuncti Regis Filijs sociata. Adde, Regiam prolem, vel Regali fastigio eminentem, vel ad æqualitatem redactam, utraq; externo Principi gravem, in Regali conditione æmulam, intra æqualitatem existens, securitati suæ providens, quid non ageret? quos non cieret in populo affectus? quos non poneret regnanti obices? Et si tantum valuit Soror Sigismundi Augusti sangvine Regio, quod prævaluit Maximiliano Imperatori, inito matrimonio cum Bathoreo: Si prævaluit Archiduci Maximiliano Sororino suo, assistens Sveciæ Principi, quomodo omnia pacata sibi pollicebitur externus Princeps Regiam adversus Progeniem, in quâ Primogenitus ut animo, ita & corde præpoller, cæteri succrescunt.

Tertio. Quod in electione Nostra cavendum, non hoc, quod Illustrissimus Galliæ Legatus dicit, cavendum à vicino Candidato; & allegat dicta Zamoyscij, ex relatione Domini Fredro Castellani: Cave Polonia ab Austria: Hæc in eo statu est, ut ab illâ, nihil habeat timendum Polonia, cum ad Regnum nostrum non concurrat. Electionem bis in domo habuit suâ, mordicùs illam non tenuit. Cracoviam pignoris loco tenuit & dimisit, contenta Polonâ vicinitate, quamdiu bonâ tenet non caver, nisi cæperit esse mala. Zamoyscius Domui suæ præcavebat, ne aliquando Princeps Austriacus regnaret; hanc ipsi cautionem crebrius occinente hortulano quodam Italo, quem Vir magnus ad confidentiam admiserat: is præcaverat, ut ab Austriâ periculum sibi imminere crederet, post captum Archiducem Maximilianum; & ut caveret sibi, voluit præcautam esse Rempubliacam, minimè reflectens in Austriacâ Domo Germanam manere fidem, nec Italos mores integra per sæcula memores vindictæ, inter Gvelfhos & Gibellinos in Italia servatos. An non justius præcavendum Poloniæ, à vindictâ exclusi Principis Condei? cum Orator Gallus defunctam Reginam asserit esse Italam, & Sororem Suam Palatinam, Matrem Serenissimæ de Conti Italam esse constat. Ergo in Principe Conti, cresceret vindicta exclusionis Patris sui, quam promoveret Serenissimæ Consortis suæ, ex Matre & Matertera Italus Sangvis, tertius Serenissimi Candidati ex Matre itidem Italâ. Hæc suspicione quidem ex allegatione Zamoyscij Civile bellum motum Sigismundo III quasi Poloniam defereret, & secundo inito Matrimonio in Sveciam redire intenderet, traditâ Austriacis Polonia: Sed hoc falsum fuisse, victoria Sigismundi evicit, quâ modestissime usus est, nec vindicavit calumniam, & supremâ voluntate testamenti sui, morte comprobavit innocentiam. Et Polonia ipsa Reginas suas ab Austria petens, sanctitatem earum, probitatem morum, libertatis Poloniæ amantes cognovit, Regum regimen non turbando, ad se Regiam autoritatem non derivando, pro decore Gentis, etiam in Austria zelando, cum ne sedere quidem Regina Cæcilia cum Imperatrice voluit, stantibus Poloniæ Senatricibus quæ eam comitatæ fuerant. Unde series Reginarum Austriacarum

semper

semper gloriosa fuit; Casimiro Jagellonidi quatuor Reges Poloniæ, quintum Ungariæ & Bohemiæ genuit; Sanctum cælo genuit Casimirum Sigismundo nupta altera, sanctitatem Matrimonij, & patientiam coluit. Sigismundo III. primo voto, gloriosæ memoriæ Vladislauum IV. altero voto quarta Austriaca Regem Casimirum, Principes Joannē Albertum Cardinalem, Carolum re & nomine pium Episcopum, & Alexandrum Principem genuit. Sexta Austriaca Vladislao magnæ indolis immaturam genuit prolem. Septima brevi Michaëlis Regis regimine, Regiarum virtutum odore replevit gentem. Quod autem Ungariæ & Bohemiæ, tragica ad horrorem nostrum citantur exempla, legatur Historia. Vngaria Turcicam induxit potentiam ad se perdendam, & Austriam, & Christianitatem, A sæculo ut liberam Austria defendit, nonnisi ergo Victori cessit Austriaco, cessit ut mancipium Turcicum, ut fidei & Christianitatis hostis. Similiter prævaricata Bohemia, quæ exactâ fide, pulsus Episcopatus, reddita hæc ipsa Dominicâ cum Evangelium legebatur: Reddite quæ sunt Cæsaris Cæsari, & quæ sunt DEI DEO. Hæc ut terculamenta Polonis proponuntur de propinquo, remora celantur, etiam ipsâ in Gallia: in qua nonne fuerunt status? nonne fuit libertas Ordinum? nonne Comititia? nonne Jura antiqua Galliæ, quibus jus erat liberè dicendi, & Monarchas suos declarandi minores etiam maturos ætate, & grandævos, cum de alienatione Provinciarum ageretur. Hæc omnia non ita pridem frænata, & ad absolutum perducta Imperium. Nonne à Gallia timent Anglicana Parlamenta, tria Anglorum Regna, & tot experiuntur divisiones, ne tres illæ Gentes sint liberæ, ne sint potentes, ut divisæ soli Galliæ serviant. An Gallia finit esse Germaniam liberam, subjugatâ Lotharingiæ libertate, subjugatis quatuor Electoribus, subjugatis liberis civitatibus, & in servitutem redactis? Libertati fæderati Belgij succurrit, cum excutiebat jugum hæreditariû ab Hispanis, eandem postea inundavit armis, ægrè dimisit, cum Germani periclitantibus pararent succurrere inferioris Germaniæ populis. Nunc tam cruentum cum Galliâ geritur bellum, pro sola libertate, quam tam Marte quàm arte moliebatur occupare. Unde si ab Austriacis liberæ genti cavendum, tantò magis ab ijs, qui æstuant angusto limine mundi: cum jam pridem sitim Provinciarum extinctam cernimus in Austria, & ortam in Galliâ: quam à Poloniâ distare, ignarus rerum diceret: cum non procul à Posnanîâ distanti Berolino minaretur, nisi Stetinum restitueret Sveco; imo & Dantisco mari vicino bombardationem. Quæ consideratio non levis momenti fuit apud defunctum Regem nostrum, quam ipsi olim Galliæ Legati non remotam à Poloniâ dicebant Galliam, cum eidem subsidia promitterent Vasconum: præsertim verò cum & defunctum Regem non latuit, quantum Moschorum Ministri Gallicis faverent Emissarijs, quid iidem Emissarij, Constantinopoli, in Crimea, imò in Perfide agere soleant: maxime verò cum à Gallico Ministro, Domino de Lumbres, recto decætero Viro, toties ab ore audivimus, Polonos, Reges pactis conventis ligare solere, ut in quocunq; puncto leserint pacta conventa, illico absolvi à subjectione Polonos. At cum eidem Regi liberrimas claves consignarunt ad corda hominum per justitiam distributivam, eodem Reges, libertatis suæ arbitros effecerunt, ut Rex quidquid velit, perficiat in Polonia. Ita Monarcha vincit illorum eloquentiam, vincit jura, vincit Status & Ordines si velit, vincit odia, vincit malos, vincit bonos; Unde nullibi fragiliorem libertatem quàm in Poloniâ; nullibi solidiorem ad absolutum Imperij gradum, quàm per justitiam distributivam, quæ universos Reges superat, sine dispendio Thesauri sui hos elevando, alios deprimendo, spirituales, seculares, milites, cives, plebejos: esseq; solum Regem, cui omnia vivunt. Hic Gallici Legati sensus, & reflexio. Ergo Rex ex Gallia sumptus dum habet quod dividat, habet quò imperet absolute, quod nobis semper timendum; maxime verò cum Dalila Gallica, ubiq; sive remotos, sive vicinos debiles reddit Samsones; ubiq; secreta populorum rimatur, ubiq; ad amorem sui delicijs attrahit, & illicijs, ut Princeps, dummodo ei arcana fortitudinis suæ pandat, actum est & de Principe, & de Gente. Dalila idiomate Sarmatico longinquam significat: ergo Gallica politics est, quæ de longinquo venit, sed Samsones nostros in soporem inducit, in sinum recipit, sic allestos delicijs sternit. Ergo Samsones nostri, vel Leones discerpere soliti, dulci sopore primò obdormiunt, mox & robur amittunt. Non timuerunt Majores Nostri vicinam in Ungaria Budam, nec Valachiam, nec desertos circa Borysthem campos, ubi militaria capiebant rudimenta. Ubi longinquæ, id est Dalilæ tracti illicijs, remotam Galliam petijmus comptuli, delicijs fracti redimus, illâ ipsâ sequente reduces: ut remotas etiam in Gentes, amorosa dilatet philtrea. De rei veritate Charissima Patria dubitas? recentes hujus sæculi lege historias. Quis Principum in Europâ phil-

tri hujus experti? Venetam si exceperis Rempub. quam solam alienis periculis cautam sapere videmus, diu noctuq; severa invigilare censurâ in Magistratus & Cives suos. Respice præpotentem Angliam, vide remotam Sveciam & intermediam Daniam, vide Germanicum Imperium, & ejus Principes, considera Italiam, ut missas faciamus tot Insulas transmarinas, quas Dalilæ Gallicæ non adiit philtum, vel incantatio? Ad nostra redeamus; nonne Gallica incantatio effecit, ut virilium rerum curas Regina Gallæ assûpserint, Polonasq; mulieres eò vocaverint hoc tempore? Antea rem domi familiarem curabant, prolis educationem, redditum maritorum intra propria limina præstolabantur, procul à comitijs, procul à coetu Virorum residentes, honorato vestitu eoq; Religioso incedentes; procul corporis nuditas & gestus; ad manus precatorij globuli, Sacræ historiæ lectio, scribendarum schedularum aversio, maritalium in publico expensarum per mulieres restauratio. Hæc Polona & antiqua morum ratio. Ex Gallia venit, ut mulier priorem præ marito jam nunc occupet locum, ut ad comitia veniat, alia celebrante marito cum Rege, alia celebrante uxore cum Regina; imo celebrantibus maritis comitia sub arbitrio foeminarum supra sedentium, dicta virorum observantium, signa loquendi, quod dedecus Gentis, coturnis Gallicis distribuentium, luxu suo in victu & amictu, sortes maritorum, succrescentis prolis conditionem, miseræ Reipub. extenuationem, Comitiorum protelationem, militum diuturnam expectationem gravantes, Divina humanaq; jura pro libitu examinantes. Serpit malum à majoribus ad minores, ab audentioribus ad modestiores. Quid de Gallico dicam famulatio, quo replentur Domus Magnatum, ne dicam Aulæ? pedissequi & pedissequæ domos regunt, supplantant mores, & carpunt antiquas consuetudines; magistri caeremoniarum, elegantiarum arbitri, nihil bonum, nihil decorum, quod non est Gallicum. Hoc contagium ab Aulâ serpit in Magnates, mox inundabit Poloniam, ni maturè sapias charissima Patria. Nonne Condeus Princeps vivente Rege Casimiro, contra jura Regni ascendisset solium [nisi Nobilitas maturè restitisset] decepto Czesztochoviæ subscriptionibus Senatu? Nonne decepto Rege Casimiro, & oblivioni dante carcerem Gallicum, hæreditarij Regni per pacta Olivensia ereptionem, & centum millibus extensam Livoniam mediatione Gallicâ tandem ad abdicationem adductum; Mediatrix regaliter receptum, mox in Gallijs non succedente ex voto Electione neglectum; & ex desperatione de pulchro Hospitali cogitantem, tandem audivimus mortuum, non moriente cum eo Indole Polonâ, quæ cum postliminiò reduxit, & majorum cineribus appoluit.

Quartò. Sed jam ad promissa Gallica redeamus. Misisse Galliam ante triginta annos, duos milliones per Abbatem Fantonium impetratos, in Polonia seminandos; sed non lilia, quia lilia pro semente habuit. Promisit per Palatinum Rey longè minorem sementem pro exercitu, victoriam sperante Regina; sed cum hæc seminatio, tam ad Clarum Montem, quàm ad Palczynum, stragem militum Galliarum militantium produxit, securitate Reipublicæ in Comitijs opus erat, pro illa pecunia Regina antefacta. En Gallica promissa, fructus & eventus. Alia promissa erant cum Principe Longevillano ad detruendum Michaëlem Regem, sed hæc cum vita Principis illius in bello cadentis evanuerunt. Tertio loco promissa erant sub Rege Joanne pro bello sacro expetita, misso Legato, qui consumptis decem millibus Ungaricalium ea retulit: quod tantus Monarcha, reliquorum Principum erat superaturus liberalitatem præfixo tempore. Unde cum singulis annis, à Summo Pontifice propè singulos milliones habuimus, ab Imperatore primâ vice ultra millionem accepimus, à binis Galliarum Legatis audivimus, pecuniam jam Hamburgi locatam pro nobis esse. Tandem in termino post Neomagensem pacem factam, misimus Legatum Regni Cancellarium, & proximitate matrimonij Regi nostro junctum: iterum decem millia ungaricalium impendimus, tandem percepimus primam legationem nostram Gallos quidem, privatos Legati nostri milliones accepisse pro venditione bonorum suorum, nobis tantum promississe Gallicos milliones. Alterâ legatione peculium nostrum æquè consumptum ut priori: Galliam contentam ex deprecatione pro læsione Marchionis Vitry, nullâ amplius mentione factâ promissorum; Nos tamen Virum magnum & amantem Patriæ perdidimus, spe quâ lætabamur vacui. Sed ecco iterum Gallica promissa; pro novo Candidato milliones offert solvendo militi confederato. Inaudita liberalitas & meritò suspecta, si Gallis eadem præsentaretur, papyraceas schedulas militi suo numerantib; præsentanti necessitate, an acceptaret hanc eleemosynam, hanc stipem? Prudens est Gallia, indignum crederet & sibi injuriosum donum simile, nisi

nisi se ad incitas redactam profiteatur. Ergo Polonos hanc oblatione miseros, calamitosos credit? Injuriam facit, luxum Genti & militiæ induxit, quem à seipsa expulit, eiecit, nullibi in Europa receptum, nisi in Polonia; hic nutriendum sperat, & clamantem credit: affer, affer, ut malè cauti Poloni, abolitis legibus Patrijs, contra hanc pestem, quæ domi forisquæ grassatur, pretiosum unionem Coronæ suæ tandem vendant: cum interea jam decrevit Polonia proprio ære hic & nunc solvendum militem, ne venalis fiat ambitioni externæ, cum adhuc se novit nisi solo luxu depauperatam, singulis annis restaurandam, in tanta qua pollet rerum copia nascentium quotannis frugum. Constans est & magnorum Virorum iudicium & à pluribus annis propositum, nec hucusquæ acceptatum: si liquidum Poloniæ & Lithvaniæ elementum biræ, universaliter contributioni subijceremus, singulis diebus eam numerarem pecuniam, quæ absolveret ab omni alia populû aggravatione, cujus clamor ad Deum ferit sidera, & ideo non prosperamur maledictione Dei. Hamata igitur non amata sunt Galliæ dona. Ergo Danaos & dona ferentes timeamus. An Reges Angliæ, Daniæ, & Sveciæ, imò & Poloniæ Gallicorum donorum non poenituit? An non Electores Imperij & Principes, qui diuturno bello nunc exhauriuntur, Gallicis prius inescati pensionibus?

Quintò. Electio Nostra, cum sit omnium & singulorum simul, nemine contradicente, omnibus consentientibus; ergo debet esse unanimis, concors, & in Spiritu Sancto congregata. Si discola, si discors, non erit Electio unius, sed intrusio plurium, quos inter Victor dabit leges, nec accipiet à Polonis pacta. Ergo amissam lugebimus libertatem, duram posteritati nostræ relinquemus servitutem, vel dividemur plures inter Dominos contemptibiles servi, quod Deus avertat; ut jam bis à Majoribus nostris avertit in Electione Stephani & Maximiliani Imperatoris, & in Electione Sigismundi cum Maximiliano Archiduce. Unde memores Divinæ gratiæ, ultimis Electionibus nolimus tentare Deum, servavimus unitatem universi, & si aliqui nostrum, aures externorum dedimus suggestioni, noluit Nobilitas factionibus exterorum non assveta, forte suâ contenta, ire in bivium, cadere in victimam externorum ambitioni, pretium sanguinis accipere ex manibus Legatorum, & illud mittere in corbonam. Ideò Divinitus respexit Dominus Nobilium corda, & Magnatum animos armatos ita confudit, ut terribior ipsis appareret Nobilitas, quàm propriæ phalanges, & in finibus Regni exterorum subsidia. Unde ad instar miraculi electus Michaël, recognovimus omnes, Quis ut Deus? In altera Electione unum identidem elegimus, & gratiam Dei in Joanne agnovimus, quia bello Civili non consumpti. Ergo ut est dulce inexpertis bellum Civile, ita experti illud vitabimus, tot internis divisionibus præmoniti, Confæderationibus exercituum, Tartarorum & Cosacorum minis. Hæc omnia nos præmonent, edocent, ut caveamus iram Dei: minantur ut eandem deprecemur: divisionem indignant, ut ad unionem curramus: diluvia sanguinis promittunt, ut fugiamus in montes Divinæ humanæque Sapientiæ.

Ultimariè itaque reflectamur super eo, qualis fuit antea Patria nostra, qualis modò est. Modestè & fortiter sub Monarchis educata, post Sigismundum Augustum Virago in lucem prodiens, ora & oculos in se convertit, paranymp hos prudens audivit, & procos admisit ut sapiens, ut decora: Tandem ad senium inclinata, à Rege Casimiro dimissa cum dolore suo, sumpsit Civem Regale ad soliam, eâ conditione, ut juramento obligaretur se nunquam dimittendam; illo brevè obeunte vel fatiscente, iterum non externum sed Civem respexit, qui apud se natus, educatus, juribus suis assvefactus, iisdemque parere doctus, eam susceperet, juramentum tandem vinculi sui deprecatus tam firmiter, ut consentiente eadem Republicâ, ab eo liberaretur, eò quod diffiteri non poterat eadem Respub. legum suarum inobservantiam, quarum alias jam antiquatas, recentes contaminatas, libertatem minui, licentiam crescere, mensuram Juris, vim esse in Magnatibus, oppressionem in pauperibus, quibus non erat adiutor. Sessiones Thronicas, ceu turricas, graves, à quibus ne quadrante licet abesse soli Regi, quod licet Magnatibus, & Nuncijs terrestribus. Sancitorum executio penè nulla, interpretatio varia, densæ constitutionum sylvæ, legum potestas & robur debile. Ideoque vasti ille animi Princeps, non rarò admittebat cogitationes propriæ eliberationis ab hoc nexu, videns leges, & mores Patriæ, in dies ruere: & hoc inter suspiria non rarò intimi ejus percipiebant, quomodo benè nota patientia ejus, indefessa bello paceq; sapientia, longanimitas immensa, incomparabilis bonitas, ubi semel defecit, ad hæc extrema ducebat.

Faciamus

Faciamus ergo consequentiam, de eligendo Principe, toto cælo à nobis distante, an nostros mores tolerabit? an nos Ipsius? an ille qui assuevit ad magnalia agenda in Patriâ suâ, solum Deum & Monarcham suum sibi superiorem agnoscendo, se aliquando possibilem tantæ Monarchiæ successorem? Jam in Polonia novum vivendi genus profitebitur. Correges ultra centum viginti in Senatu, ultra ducentos in Equestri Ordine, quibuscum deliberare & concludere, statuta & constitutiones firmâ tenere memoriâ, audientias Senatoribus sedendo dare, Proceribus Equestri Ordinis stando, infinitas petitiones auscultando, & cum Doctore Gentium dicendo: vivo ego iam non ego; sed vivit in me populus ingens, populus non unius labij. Vacat plerumque crebra liberalitatis Regiæ occasio, decem competitores currunt, merita sua & Natalium splendorem exponendo: Si Rex deliberaverit, & uni tandem quod multi petunt dederit, unum amicum parat, novem concurrentes cum suis Familijs offendit, quod hunc, cui dedit, cæteris prætulit. Adde, quod Princeps ille Gallus ad ardua per saxa & ignes promptus & alacris prorumpit: In Polonia verò suspenso & lento passu ducuntur Reges. O quanta patientia? quantum cordolium? quanta indignatio? Unde felicitatis nostræ est, quod Regiam prolem ad hæc martyris assuefieri credamus, magni Parris vestigio. Hæc pro libertate Senatoriâ, pro ingenuitate Polonâ, non placendi studio, dicta sunt, sed præcavendi desiderio; ne Patriæ nostræ serum poenitere, vel Serenissimis Candidatis superveniat; si voluerint Hispanum illum præmonentem Monarcham aspernari, qui diademati inscripsit:
TOLLAT, QVI NON NOVIT.



